

## FRÉTTATILKYNNING

Kvennaframboðið í Reykjavík hefur sent útvaprsráði eftirfarandi bréf:

Af gefnu tilefni mótmælir Kvennaframboðið þeim fréttatflutningi sem ríkisfjölmíðlarnir hafa stundað í tengslum við fjárhagsáætlun Reykjavíkurborgar fyrir árið 1984.

Þessi fréttatflutningur hefur einkennst af grófu misrétti gagnvart Kvennaframboðinu, þar sem fulltrúum þess hefur aldrei verið gefinn kostur á að koma sjónarmiðum sínum og tillögum, varðandi fjárhagsáætlunina, á framfæri. Hins vegar hafa fulltrúar Sjálfstæðisflokk, Alþýðubandalags og Framsóknarflokks komið fram í sjónvarpi og hljóðvarpi í sérstökum fréttaaukum og/eða þáttum um þetta mál.

Má i því sambandi benda á, að þeir Davíð Oddsson og Sigurjón Pétursson áttust við í tveimur sjónvarpsþáttum í röð án þess að aðrir kæmu þar við sögu. Af fréttatflutningi útvapnsins mætti draga þá ályktun að Kvennaframboðið hafi lítið haft fram að færa við afgreiðslu fjárhagsáætlunar. Svo er þó ekki. Viljum við benda útvaprsráði á, að af um 160 breytingartillögum sem fluttar voru, átti Kvennaframboðið 99.

Væntum við þess, að héðan í frá verði séð til þess, að sjónarmið Kvennaframboðs fái að koma fram í ríkisfjölmíðlunum til jafns við önnur þegar fjallað er um fjármál borgarinnar, þau mál sem allt annað stendur og fellur með.